

An Ciste Carbóin Tuarascáil Bhliantúil 2020





Clár na nÁbhar

Achoimre	2
Cúlra	3
Astaíochtaí Gás Ceaptha Teasa a thomhas	4
Ceannacháin carbóin gcloífaí leis an Chéad Tréimhse Geallantais Phrótacal Kyoto (2008-2012)	4
Oibleagáid na hÉireann faoi Chinneadh an AE maidir le Comhroinnt Díchill go 2020	5
Dul chun cinn na hEorpa maidir lena spriocanna astaíochtaí iomlána a chomhlíonadh	6
Dul chun cinn na hÉireann maidir lena spriocanna astaíochtaí a chomhlíonadh	6
Rialúchán Comhroinnte Dhíchill (2021-2030)	8
Ceannacháin agus aonaid 2020 a fuarthas ó chistí iltaobhacha	8
Ráitis Airgeadais	9

Achoimre

Tugann fardal agus réamh-mheastacháin na Gníomhaireachta um Chaomhnú Comhshaoil (EPA) ar astaíochtaí gás ceaptha teasa le fios go mbeidh bearnaí comhlíonta roimh Éirinn maidir lena spriocanna faoin gCinneadh Comhroinnte Díchill (ESD) don tréimhse 2013-2020. Is laghdú 20% d'astaíochtaí i gcomparáid le leibhéal 2005 é sprioc na hÉireann. Tugann measúnuithe luatha le fios go bhfuiltear ag súil go mbeidh astaíochtaí ESD (na hearnálacha talmhaíochta, iompair agus cónaithe go príomha) 8% faoi bhun na n-astaíochtaí i 2005. Le linn na tréimhse 2013-2020 tugtar le fios go meastar go sáróidh Éire a hoibleagáidí comhlíonta go carnach faoi choibhéis 11.6 milliún tonna dé-ocsaíd charbóin (Mt CO₂ eq)¹.

Tar éis cinneadh Rialtais agus treoir a fuarthas i mí na Samhna 2019 ón Roinn Cumarsáide, Gníomhaithe ar son na hAeráide agus Comhshaoil², cuireadh tús le ceannach aonaid charbóin arís chun aghaidh a thabhairt ar bhearna comhlíonta spriocanna ESD. Le linn na bliana 2020, cheannaigh an GBCN 1,117,466 aonad Laghdú Astaíochtaí Deimhnithe (CERanna)³.

Chomh maith leis na CERanna a ceannaíodh fuair an ciste aonaid charbóin bhreise ó infheistíocht na hÉireann i gcistí iltaobhacha. Ba é líon na gcreidmheasanna carbóin a bhí sa chiste ag deireadh 2020 ná 7,484,925.

Sonraítear in alt 6 den Acht um an gCiste Carbóin 2007: **“A luaithe is féidir, ach tráth nach déanaí ná 6 mhí tar éis dheireadh gach bliana airgeadais de chuid na Gníomhaireachta, tabharfaidh an Gníomhaireacht tuarascáil don Aire faoina gníomhaíochtaí i ndáil le comhlíonadh na bhfeidhmeanna atá tarmlichte di faoin Acht seo le linn na bliana lena mbaineann agus cuirfidh an tAire faoi deara cóipeanna den tuarascáil a leagan faoi bhráid gach Tí den Oireachtas.”**

Is í seo an ceathrú tuarascáil déag don Roinn Comhshaoil, Aeráide agus Cumarsáide faoin Acht um an gCiste Carbóin, agus cumhdaítear an bhliain dar críoch an 31 Nollaig 2020 inti.

-
- 1 EPA-SEAI Tionchar srianta COVID-19 ar astaíochtaí gás ceaptha teasa 2020 Eanáir 2021. Leathanach 5 <https://www.epa.ie/publications/monitoring--assessment/climate-change/air-emissions/the-impact-on-2020-greenhouse-gas-emissions-of-covid-19-restrictions.php>
 - 2 Aistríodh feidhmeanna an Aire Airgeadais faoin Acht um Chiste Carbóin 2007 chuig an Aire Caiteachais Phoiblí agus Athchóirithe an 29 Iúil 2011. Aistríodh feidhmeanna an Aire Comhshaoil, Pobail agus Rialtais Áitiúil faoin Acht um Chiste Carbóin 2007 chuig an Roinn Cumarsáide, Gníomhaithe ar son na hAeráide agus Comhshaoil ar 22 Iúil 2016, a rinneadh an Roinn Comhshaoil, Aeráide agus Cumarsáide do ar 22 Meán Fómhair 2020.
 - 3 Igeann an Mheicníocht Ghlanfhorbraíochta (CDM) gur meicníocht cúitimh carbóin é a tugadh isteach i bPrótacal Kyoto, do chruthú Aonaid Laghdú Astaíochtaí Deimhnithe. Le teacht ar níos mó eolais agus sonraí faoi na cineálacha difriúla aonaid carbóin agus an Mheicníocht Ghlanfhorbraíochta féach ar “Tuarascáil Ciste Carbóin 2007” <https://www.ntma.ie/publications/carbon-fund-annual-report-2007>; agus “Achievements of the CDM: Harnessing Incentive for Climate Action 2001-2018” https://unfccc.int/sites/default/files/resource/UNFCCC_CDM_report_2018.pdf

Cúlra

Bunaíodh an Ciste Carbóin faoin Acht um an gCiste Carbóin 2007 chun Aonaid Kyoto agus ionstraimí agus sócmhainní ar bith eile dá leithéid a cheannach thar ceann an Stáit chun oibleagáidí idirnáisiúnta um athrú aeráide faoi Chreat-Choinbhinsiún na Náisiún Aontaithe 1992 maidir leis an Athrú Aeráide, faoi Phrótacal Kyoto 1997 leis an gCoinbhinsiún sin agus faoi chomhaontaithe sa todhchaí nach mór don Stát a chomhlíonadh. Tá sé beartaithe go bhforlíonfadh na haonaid a ceannaíodh sa chiste gníomhaíocht maolaithe intíre.

Rinneadh bainistíocht an Chiste a tharmligean chuig Gníomhaireacht Bainistíochta an Chisteáin Náisiúnta (GBCN). Ainmníodh GBCN mar an ngníomhaí ceannaigh chomh maith chun na creidmheasanna riachtanacha a cheannach. Déantar tagairt do chreidmheasanna carbóin sa reachtaíocht mar Aonaid Kyoto.

Leanann GBCN ag bainistiú an chiste agus ag ceannach aonad mar a threoraítear le hoibleagáidí na hÉireann faoi Chinneadh maidir le Comhroinnt Díchill an AE.

Ráiteas maidir le Freagrachtaí na Gníomhaireachta

Ceanglaítear ar Gníomhaireacht Bainistíochta an Chisteáin Náisiúnta (an “Gníomhaireacht”) leis an Acht um an gCiste Carbóin 2007 (arna leasú) (an “tAcht”) ráitis airgeadais a ullmhú i dtaca le hoibríochtaí an Chiste Carbóin do gach bliain airgeadais.

Agus na ráitis sin á n-ullmhú, déanann an Gníomhaireacht:

- beartais chuntasaíochta chuí a roghnú agus iad a cur i bhfeidhm ar bhonn comhsheasmhach;
- breithiúnais agus meastacháin atá réasúnta agus stuama;
- na ráitis airgeadais a ullmhú ar bhonn an ghnóthais leantaigh mura bhfuil sé míchuí é sin a dhéanamh;
- imeacht ábhartha ar bith ó na caighdeáin chuntasaíochta is infheidhme a nochtadh agus a mhíniú.

Tá an Gníomhaireacht freagrach as na cuntais go léir is cuí agus is gnách i dtaca le feidhmíocht a feidhmeanna a tarmligeadh chuici nó a tugadh di a choinneáil i cibé foirm atá forordaithe faoi Alt 5 den Acht. Soláthróidh an Gníomhaireacht, nuair a iarrfar uirthi amhlaidh a dhéanamh i gcomhréir leis an Acht, ráitis airgeadais dá leithéid agus cibé faisnéis maidir leis na ráitis airgeadais sin mar a cheanglaítear faoin reachtaíocht.

Tá an Gníomhaireacht freagrach chomh maith as na sócmhainní atá faoina rialú agus dá réir sin as bearta réasúnta a dhéanamh chun calaois agus neamhrialtachtaí eile a chosc agus a bhrath.

Astaíochtaí Gás Ceaptha Teasa a thomhas

Is é Dé-ocsaíd Charbóin (CO₂) an gás ceaptha teasa is coitianta agus úsáidtear tona CO₂ mar an aonad coitianta tomhais. Dá bhrí sin tá gach Aonad Carbóin coibhéiseach le tona CO₂. Déantar GCTanna eile a thomhas mar choibhéisí dí- ocsaíde carbóin (CO₂) i gcomhthéacs a bPoitéinsil Téimh Dhomhanda (GWP) thar thréimhse 100 bliain. De réir sainmhínithe, tá GWP 1 ag CO₂. Féach Tábla 1 chun tuilleadh eolais a fháil.

Tábla 1

	GWP-100
Dí-ocsaíd charbóin (CO ₂)	1
Meatán (CH ₄)	21
Ocsaíd Nítriúil (N ₂ Oanna)	310
Hidreafluoracarbóin (HFCanna)	150-11,700
Sárfhuoracarbóin (PFCanna)	6,500-9,200
Sulfar Heicseafluairíd (SF ₆)	23,900

Ceannacháin carbóin gcloífaí leis an Chéad Tréimhse Geallantais Phrótacal Kyoto (2008-2012)

Bhí líon infheistíochtaí i gceist le haonaid carbóin a sholáthar i straitéis na hÉireann le riachtanais laghdú astaíochtaí carbóin Phrótacal Kyoto a bhaint amach. Idir 2006 agus 2007, chuir Rialtas na hÉireann infheistíochtaí i dtrí chiste ilthaobhach i bhfeidhm.

Ba iad seo:

- An Ciste Iltaobhach um Chreidhmeasanna Carbóin (MCCF)⁴ arna bhunú ag an mBanc Eorpach Athfhoirgníochta agus Forbartha;
- An Ciste Carbóin don Eoraip an Bhanc Domhanda (CFE)⁵;
- An Ciste Bithcharbóin an Bhanc Domhanda.

Bhí na hinfeistíochtaí seo ann roimh an Chiste Carbóin agus ról an GBCN agus deánann an Roinn Comhshaoil, Aeráide agus Cumarsáide iad a bhainistiú go díreach. Ach coinnítear na haonaid a fhaightear ó na hinfheistíochtaí seo sa Chiste Carbóin. Tugadh suas aonaid a fuarthas⁶ ó infheistíochtaí i gcistí ilthaobhacha nuair tharla an t-idirbheart deirneach ón chéad tréimhse gealltanais i 2015 agus tugadh chun tosaigh chuig an chéad tréimhse eile iad siúd nár tugadh suas.

4 Tá an Banc Eorpach Infheistíochta i bpáirtíocht le EBAF leis an CICC a bhainistiú; tá comhaontú na hÉireann le EBAF amháin. Tá an ciste seo dúnta anois.

5 Dúnadh an Ciste Carbóin don Eoraip go foirmiúil in mí Aibreáin 2018.

6 Bá iad ERU, AAU and tCERanna na haonaid Carbóin a fuarthas ó na cistí seo. Le níos mó eolais agus sonraí a fháil faoi na cineálacha difriúla aonaid carbóin féach ar:
“Tuarascáil Ciste Carbóin 2007”
<https://www.ntma.ie/publications/carbon-fund-annual-report-2007>

Ina theannta sin, mar a thug an Rialtas sainordú, cheannaigh an GBCN 5,255,000 aonad carbóin le linn 2008 agus 2009. Tar éis an titim i ngníomhaíocht eacnamaíoch le linn na gearrchéime eacnamaíche i 2008 agus an laghdú in astaíochtaí carbóin de bharr gur chuir an Roinn Comhshaoil, Pobal agus Rialtais Áitiúil an clár ceannacháin ar fionraí i 2009⁵. Tugadh na creideamheasanna nár húsáidiú, iad sin ceannaithe ag GBCN, ar aghaidh leis an rún go n-úsáidfid iad maidir le gealltanais na hÉireann sa tréimhse 2013-2020 faoin ESD atá mar pháirt de Phacáiste Comhtháite um Fhuinneamh agus um Athrú Aeráide 2020 an AE⁷.

Oibleagáid na hÉireann faoi Chinneadh an AE maidir le Comhroinnt Díchill go 2020

Cuireann an Pacáiste Comhtháite um Fhuinneamh agus um Athrú Aeráide 2020 roimhe cinntiú go gcomhlíonann an AE a spriocanna aeráide agus fuinnimh tríd reachtaíocht ceangailteach; laghdú 20% in astaíochtaí gáis ceaptha teasa (ó léibhéil 1990) agus sciar 20% de fhuinnimh ó fhoinsí in-athnuaite. Tá dhá eochairpháirt den Phacáiste Comhtháite um Fhuinneamh agus um Athrú Aeráide le cinntiú go gcomhlíonfaidh an AE na spriocanna sin:

A. Córas AE i ndáil le Trádáil Astaíochtaí (EU ETS)

Tá na hastaíochtaí tionscail cumhdaithe faoi scéim “teorannaithe agus trádála” astaíochtaí na hEorpa do mhórhtruaillitheoirí – EU ETS. Faoin gcóras, rialaítear 41% d’astaíochtaí GCT an AE in earnálacha lena n-áirítear na tionscail tráchtála, eitleochta, táirgeadh alúmanaim asgu eastóscacha agus diancheimiceáin⁸. Tugtar spriocanna astaíochtaí agus lamháltais dhíreacha do na comhlachtaí lena mbainistiú iad féin. Ghlac os cionn 100 gléasra Éireannach páirt sa scéim.

B. Cinneadh maidir le Comhroinnt Díchill (ESD)⁹/Spriocanna náisiúnta um laghdú astaíochtaí

Bhunaigh an Cinneadh maidir le Comhroinnt Díchill 406/2009/EC spriocanna astaíochtaí gáis ceaptha teasa 2020 do Bhaill Stáit an AE, Éire san áireamh. Is do earnálacha nach bhfuil san EU ETS, amhail iompair (seachas eitleocht), titíocht, talmhaíocht agus dramhaíl, na spriocanna.

Is é sprioc na hÉireann laghdú 20% a dhéanamh ar astaíochtaí na n-earnálacha nach bhfuil sa Chóras i ndáil le Trádáil Astaíochtaí (neamh-ETS) i gcomparáid le leibhéil 2005, agus tá spriocanna bliantúla ceangailteacha leagtha amach do gach bliain thar an tréimhse 2013-2020. Tá seo i gcomparáid le meán-laghdú 10% an AE. Is í sprioc na hÉireann, chomh maith leis an Danmhairg agus Lucsamburg, an sprioc laghdaithe 2020 is éilithí leithdháilithe ar Bhaill Stáit an AE faoin ESD.

Déantar cur síos i dTábla 2 ar na híos-spriocanna le haghaidh gach tíre.

7 Le haghaidh níos mó eolais faoin tréimhse gealltanais roimh seo féach ar: Caibidil 9, Tuarascáil ar Chuntais na Seirbhísí Poiblí 2018. Idirbhearta airgeadais a bhaineann le gás ceaptha teasa. Oifig an Ard-Reachtair Cuntas agus Ciste.
<https://www.audit.gov.ie/ga/Aimsigh%20tuarasc%C3%A1il/Foilseach%C3%A1in/2019/Caibidil%209%20-%20Idirbhearta%20airgeadais%20a%20bhaineann%20le%20g%C3%A1s%20ceaptha%20teasa.pdf>

8 Suíomh idirlíon Scéim an AE maidir le Trádáil Astaíochtaí (EU ETS) an Choimisiún Eorpaigh:
https://ec.europa.eu/clima/policies/ets_en

9 Comhroinnt Díchill: Spriocanna astaíochtaí Baill Stáit, suíomh idirlíon an Choimisiún Eorpaigh
https://ec.europa.eu/clima/policies/effort_en

Tábla 2

Teorainneacha astaíochtaí GCT na mBallstát in 2020 i gcomparáid le leibhéil astaíochtaí GCT 2005			
An Danmhairg	-20%	An Ghréig	-4%
Éire	-20%	An Phortaingéil	1%
Lucsamburg	-20%	An tSlóivéin	4%
An tSualainn	-17%	Málta	5%
An Ísiltír	-16%	Poblacht na Seice	9%
An Ostair	-16%	An Ungáir	10%
An Fhionlainn	-16%	An Eastóin	11%
An Ríocht Aontaithe	-16%	An Slóvaic	13%
An Bheilg	-15%	An Pholainn	14%
An Ghearmáin	-14%	An Liotuáin	15%
An Fhrainc	-14%	An Laitvia	17%
An Iodáil	-13%	An Rómáin	19%
An Spáinn	-10%	An Bhulgáir	20%
An Chipir	-5%		

Dul chun cinn na hEorpa maidir lena spriocanna astaíochtaí a chomhlíonadh

Tá ag éirí leis an Aontas Eorpaigh a spriocanna ghinearálta do 2020 a bhaint amach. De réir na gCoimisiún Eorpach agus de réir na Gníomhaireachta Eorpaí Comhshaoil ('EEA') ó 1990 tá astaíochtaí gás ceaptha teasa san AE ag laghdú go seasta. Laghdaigh an AE astaíochtaí gás ceaptha teasa de 23% idir 1990 agus 2018 agus d'fhás an eacnamaíocht de 61%¹⁰. Lean an treocht seo ar aghaidh in 2019 agus thit astaíochtaí go 24% faoi bhun leibhéil 1990. Ó 2014 i leith, tá astaíochtaí foriomlána an AE tar éis fanacht faoi bhun sprioc laghdaithe 20% an AE do 2020. Mar sin de is féidir bheith ag súil go réasúnta go mbainfear amach sprioc 2020 de laghdú 20% ar astaíochtaí gás ceaptha teasa¹¹.

Dul chun cinn na hÉireann maidir lena spriocanna astaíochtaí a chomhlíonadh

Tugann fardal agus réamh-mheastacháin na Gníomhaireachta um Chaomhnú Comhshaoil (EPA) ar astaíochtaí gás ceaptha teasa le fios go mbeidh bearnaí comhlíonta roimh Éirinn maidir lena spriocanna faoin gCinneadh Comhroinnte Díchill (ESD) don tréimhse 2013-2020.

10 Beart Glas na hEorpa. Leathanach 4
https://ec.europa.eu/info/sites/info/files/european-green-deal-communication_en.pdf

11 Tuarascáil LEE. Treochtaí agus réamh-mheastacháin san Eoraip 2019, Rianú an dul chun cinn i dtreo spriocanna aeráide agus fuinnimh na hEorpa
<https://www.eea.europa.eu/themes/climate/trends-and-projections-in-europe/trends-and-projections-in-europe-2016/international-climate-commitments-in-europe#tab-related-publications>
Tuarascáil LEE. Treochtaí agus réamh-mheastacháin san Eoraip 2020, Dul chun cinn a rianú i dtreo spriocanna aeráide agus fuinnimh na hEorpa
<https://www.eea.europa.eu/publications/trends-and-projections-in-europe-2020>

Léiríonn meastacháin luatha ar thionchar srianta COVID ar astaíochtaí gás ceaptha teasa 2020 laghdú de 5.9% in astaíochtaí foriomlána agus 4% in astaíochtaí a chumhdaíonn an ESD (earnálacha talmhaíochta, iompair agus cónaithe go príomha) i gcomparáid le hastaíochtaí 2019. Mar sin féin, fiú agus tionchar na paidéime curtha san áireamh, ní bhainfidh Éirinn na spriocanna do 2020 amach, a leag cúrsa amach chun laghdú 20% ar astaíochtaí a bhaint amach faoi 2020 i gcomparáid le leibhéal 2005. Meastar go mbeidh astaíochtaí ESD 2020 ag 8% faoi bhun na n-astaíochtaí i 2005 bunaithe ar an measúnú luath seo¹².

Tá astaíochtaí le linn na tréimhse ocht mbliana seo tréithrithe ag dhá eatramh éagsúla. Le linn na tréimhse ó 2013 go 2015 bhí astaíochtaí gás ceaptha teasa faoi spriocanna na Comhroinnte Díchill. Ach fuair an Gníomhaireacht um Chaomhnú Comhshaoil gur sháraigh Éire a teorainneacha ceangailteacha bliantúla ar feadh ceithre bliana as a chéile ó 2016 go 2019. I 2019, léiríonn meastacháin sealadacha barraíocht de 5.2 milliún tona decoibhéis dé-ocsaíde carbóin (Mt CO₂ eq)¹³. Léiríonn meastacháin 2020 easnamh bliantúil de 6.2 Mt CO₂ eq¹⁴.

Le linn na tréimhse 2013-2020 tugtar le fios go meastar go sáróidh Éire a hoibleagáidí comhlíonta go carnach faoi choibhéis dé-ocsaíd charbóin 11.6 milliún tona (Mt CO₂ eq).

Tábla 3 Spriocanna agus astaíochtaí gás ceaptha teasa ESD na hÉireann 2013-2020¹⁵

Astaíochtaí agus Spriocanna (Mt CO ₂ eq)	2013	2014	2015	2016	2017	2018	2019 (Sealadach)	2020 (Meastacháin)
Astaíochtaí neamh-ETS Iomlán	42.2	41.7	43.0	43.8	43.8	45.4	45.7	43.9
Spriocanna Cinneadh maidir le Comhroinnt	46.9	45.8	44.6	43.5	40.9	39.8	38.7	37.7
Fad go Sprioc	-4.7	-4.1	-1.6	0.3	2.9	5.6	7.0	6.2
Fad Carnach go Sprioc (Mt CO₂ eq)	-4.7	-8.8	-10.4	-10.1	-7.1	-1.6	5.4	11.6

Nóta: Tá athbhreithniú deánta ar shonraí 2013 go 2018, agus comhlíonadh aontaithe, ag an gCoimisiún Eorpach. Is figiúr sealadach é figiúr 2019 agus is réamhmeastachán é 2020.

Foinse: Údarás Fuinnimh Inmharthana na hÉireann agus Gníomhaireacht um Chaomhnú Comhshaoil

Cé go bhfuil deireadh tagtha leis an tréimhse (2013-2020) anois, is dóigh go ndéanfar sonraí astaíochtaí deiridh agus athbhreithniú comhlíonta ag an gCoimisiún Eorpach tar éis 2022¹⁶. Meastar go dtarlóidh an géilleadh deiridh do chomhlíonadh ESD do na haonad carbóin a choinnítear sa Chiste Carbóin nuair a thabharfar é seo chun críche.

- 12 Tionchar srianta COVID-19 ar astaíochtaí gás ceaptha teasa 2020 Eanáir 2021
<https://www.epa.ie/publications/monitoring--assessment/climate-change/air-emissions/the-impact-on-2020-greenhouse-gas-emissions-of-covid-19-restrictions.php>
- 13 Astaíochtaí Sealadacha Gáis Cheaptha Teasa na hÉireann 1990-2019
https://www.epa.ie/publications/monitoring--assessment/climate-change/air-emissions/EPA-Prov_GHG-Inventory-Report-1990-2019_final.pdf
- 14 Tionchar srianta COVID-19 ar astaíochtaí gás ceaptha teasa 2020 Eanáir 2021
<https://www.epa.ie/publications/monitoring--assessment/climate-change/air-emissions/the-impact-on-2020-greenhouse-gas-emissions-of-covid-19-restrictions.php>
- 15 EPA, Staid Reatha.
<https://www.epa.ie/our-services/monitoring--assessment/climate-change/ghg/>
- 16 An Cinneadh Comhroinnte Díchill a chur i bhfeidhm
https://ec.europa.eu/clima/policies/effort/implementation_en

Rialúchán Comhroinnt Díchill (2021-2030)

Tiocfaidh deireadh le hoibligeáidí an Stáit i dtaca le Comhroinnt Díchill an AE i 2020, ag an bpointe sin leanfaidh an Rialúchán Comhroinnt Díchill é. Leagann an rialúchán, ar glacadh leis i mí na Bealtaine 2018, amach spriocanna astaíochtaí gás ceaptha teasa bliantúla ceangailteacha do Bhaill Stáit don tréimhse 2021-2030, na blianta sin san áireamh.

Socraíonn an rialachán sprioc ceangailteach laghdaithe astaíochtaí ar fud an gheilleagair de 40% ar a laghad faoi 2030 i gcomparáid le 1990. Caithfidh na hearnálacha sonraithe den gheilleagar nach gcumhdaíonn ETS an AE astaíochtaí a laghdú 30% faoi 2030 i gcomparáid le 2005 mar a rannchuidiú leis an sprioc foriomlán.

Is é sprioc reatha na hÉireann maidir le hastaíochtaí gás ceaptha teasa ná laghdú 30% faoi 2030 i dtaca le leibhéil 2005. Tá sé tábhachtach a thabhairt faoi deara go leasófar an sprioc seo tar éis chinneadh na Comhairle Eorpaí i mí na Nollag 2020 an uailmhian óna sprioc 2030 uile-AE atá ann cheana de laghdú 40% a mhéadú go 55% ar a laghad, i gcomparáid le leibhéil 1990. Tá sé beartaithe ag an gCoimisiún Eorpach athbhreithniú a dhéanamh ar an Rialachán um Chomhroinnt Díchill agus d'fhoilsigh sé measúnú tionchair tionscnaimh agus sheol sé comhairliúchán poiblí oscailte ar an athbhreithniú a dúnadh i mí Feabhra 2021. Táthar ag súil go gcuirfidh an Coimisiún Eorpach tograí reachtacha chun sprioc nua an AE 2030 a chur i bhfeidhm, lena n-áirítear athbhreithniú a dhéanamh ar spriocanna reatha na mBallstát do 2030, faoi Mheitheamh 2021.¹⁷

2020 Ceannacháin agus aonaid faighte ó chistí ilthaobhacha

Ag deireadh 2020, ní raibh gealltanais bhreise le hÍoc leis an trí chiste ilthaobhach. Dúnadh an MCCF agus an CFE. Ach leanann an Ciste Carbóin ag fáil aonad ó Chiste Bithcharbóin an Bhanc Domhanda. I 2020, fuarthas 322,028 aonaid sealadacha Laghdú Astaíochtaí Deimhnithe (tCERanna) i gcomparáid le 138,383 tCERanna i 2019.

Mar gur leag réamháisnéis na Gníomhaireachta um Chaomhnú Comhshaoil i 2019 amach nach mbainfeadh Éirinn amach sprioc an ESD de laghdú 20% in astaíochtaí gás ceaptha teasa roimh dheireadh 2020. Mar thoradh ar sin, d'iarr an tAire Cumarsáide, Gníomhú ar son na hAeráide agus Comhshaoil ar GBCN i Samhain 2019 (faoi Alt 2(5) den Acht um an gCiste Carbóin) an clár ceannacht aonaid carbóin a athghníomhú le go gceannófaí níos mó aonad ná mar a bhí i seilbh cheana féin. Le linn 2020, cheannaigh GBCN 1,117,466 aonaid Laghdú Astaíochtaí Deimhnithe (tCERanna).

Rinneadh na ceannacháin ina dhá chéim. Sa chéad ráithe den bhliain cheannaigh an ghníomhaireacht 500,000 aonad CER. Tar éis tosú na paidéime COVID-19, in Aibreán 2020 threoraigh an Roinn don GBCN sos a thabhairt don straitéis ceannaigh i bhfianaise éifeacht dhóchúil na paidéime ar astaíochtaí na hÉireann. I mí na Nollag 2020, threoraigh an Roinn Comhshaoil, Aeráide agus Cumarsáide don GBCN an clár ceannaigh a atosú agus ceannaíodh 617,466 aonad CER eile roimh dheireadh na bliana.

Tar éis na gceannachán ba é 7,484,925 an líon creidmheasanna carbóin a bhí sa chiste ag críoch 2020 i gcomparáid le 6,045,431 ag deireadh 2019. Tá tCERanna a fuarthas ón Chiste Bithcharbóin i 2020 san áireamh.

17 Dícheall rannta 2021-2030: spriocanna agus solúbthacht, suíomh gréasáin an Choimisiúin Eorpaigh
https://ec.europa.eu/clima/policies/effort/regulation_en

Raitis Airgeadais an Chiste Carbóin Don bhliain dar chríoch an 31 Nollaig 2020

Ráiteas maidir le Rialú Inmheánach	10
Tuarascáil an Ard-Reachtair Cuntas agus Ciste	14
Ráiteas maidir leis an Staid Airgeadais	17
Cuntas an Chiste	18
Nótaí leis na Ráitis Airgeadais	19

Ráiteas maidir le Rialú Inmheánach

Is í Gníomhaireacht Bainistíochta an Chisteáin Náisiúnta (an “Ghníomhaireacht”) bainisteoir an Chiste Carbón (the “an Ciste”). Tá sonraí thíos faoi chóras um rialú inmheánach airgeadais na Gníomhaireachta:

Raon feidhme Freagrachta

Thar ceann Ghníomhaireacht Bainistíochta an Chisteáin Náisiúnta (an “Ghníomhaireacht”) aithnímid freagracht na Gníomhaireachta as a chinntiú go gcoimeádtar agus go bhfeidhmítear córas éifeachtach rialaithe inmheánaigh. Áiríonn an fhreagracht seo ceanglais an Chóid Chleachtais um Rialachas Comhlachtaí Stáit (2016) san áireamh.

Cuspóir an Chórais Rialaithe Inmheánaigh

Tá an córas rialaithe inmheánaigh ceaptha chun riosca a bhainistiú go leibhéal inghlactha seachas é a dhíchur. Dá bhrí sin, ní féidir leis an gcóras ach dearbhú réasúnta agus gan dearbhú iomlán a sholáthar go bhfuil sócmhainní cosanta, idirbhearta údaraithe agus taifeadta i gceart agus go gcuirtear cosc ar earráidí nó neamhrialtachtaí ábhartha nó go mbraitear iad ar bhealach tráthúil.

Tá an córas rialaithe inmheánaigh, a thagann le treoir a d’eisigh an Roinn Caiteachais Phoiblí agus Athchóirithe, curtha i bhfeidhm ag an nGníomhaireacht don bhliain dar críoch 31 Nollaig 2020 agus suas go dtí dáta fhaomhadh na ráiteas airgeadais.

Cumas Riosca a Láimhseáil

Tá creat bainistíochta riosca agus rialachais foirmeálta in áit ag an Ghníomhaireacht, deartha le tacú le bainistíocht onnghníomhach riosca. Leagann Beartas agus Creat Bainistíochta Riosca agus Creat Inghlacthachta Riosca na Gníomhaireachta le chéile amach a struchtúr agus a próisis inghlacthachta riosca agus bainistíochta riosca agus sonraíonn siad ról agus freagrachtaí na foirne i dtaca le riosca. Tá maoirseacht agus cuntasacht deiridh ag an Ghníomhaireacht i dtaca le bainistíocht riosca agus cuireann sí treoir ar fáil tríd an Bheartas agus Creat Bainistíochta Riosca agus tríd an Chreat Inghlacthachta Riosca a fhaomhadh. Ina dhiaidh sin, deimhníonn an Ghníomhaireacht í féin ar bhonn leanúnach go bhfuil bainistíocht fheidhmeannach ag freagair mar is cuí do rioscaí agus go bhfuil cuidiú á thabairt di ag an Choiste Iniúchta agus Riosca (ARC), a dhéanann monatóireacht ar chloí le rialachas agus inghlacthacht riosca agus a chinntíonn go ndéantar rioscaí a shainaithint, a mheas, a bhainistiú agus a thuairisciú.

I 2020, tá ceithre chomhalta den Ghníomhaireacht ar an ARC, le saineolas airgeadais agus iniúchta, is duine acu an Chathaoirleach. Tháinig an ARC le chéile ocht n-uaire i 2020.

Déanann an Choiste Bainistíochta Riosca Fiontair (“CBRF”) maoirsiú ar maoirseacht ar bhainistíocht éifeachtach riosca agus comhlíonta trí athbhreithniú agus/nó faomhadh a dhéanamh ar phríomhchreataí agus ar bheartais riosca, monatóireacht a dhéanamh ar rioscaí agus rialuithe na heagraíochta agus monatóireacht a dhéanamh ar an bpróifíl riosca fhoriomlán agus ar rioscaí straitéiseacha.

Foilsíodh agus cuireadh an Beartas agus Creat Bainistíochta Riosca agus Creat Inghlacthachta Riosca na Gníomhaireachta, a nuashonraíodh i 2020, in iúl do gach bhall foirne atá le cloí le na riachtanais ann. Thacaigh clár oiliúna riosca agus feasachta le daingniú bainistíocht riosca le linn na tréimhse tuairiscithe.

Creat Riosca agus Rialaithe

Solathraíonn an Beartas agus Creat Bainistíochta Riosca na Gníomhaireachta, tacaithe ag an Chreat Inghlacthachta Riosca, na polasaithe agus próisis le gur féidir príomhríoscaí a shainaithint, a thomhas, a mhonatóiriú, a rialú agus atá tacaithe ag sraith polasaithe bainistíochta riosca.

Coinníonn gach aonad gnó aonaoir agus gníomhaíochtaí gnó cláir riosca ina dhéantar a bpríomhríoscaí agus rialúcháin a thaifead agus freagracht as oibríocht na rialúcháin a tugadh. Déanann gach gnó faoi seach athbhreithniú ar na cláir seo dhá uair sa bhliain agus dearbhaíonn úinéirí na rialúchán na gníomhaíochtaí gnó agus rialúcháin atá leagtha amach iontu. Rinne na coistí riosca cuí athbhreithniú ar na cláir riosca le linn na tréimhse tuairiscithe.

Rinne an ARC athbhreithniú ar phríomhríoscaí na Gníomhaireachta le linn na tréimhse tuairiscithe, bunaithe ar chleachtaí measúnaithe ón mbarr anuas a chuir an ERM i gcrích. Tá timpeallacht rialaithe bunaithe ag an Gníomhaireacht, lena bhfuil seo a leanas mar pháirt de:

- Tairmligeann Príomhfheidhmeannach na Gníomhaireachta freagrachtaí údaráis agus airgeadais do bhainistíocht agus fhoireann na Gníomhaireachta tríd úsáid údaráis tairmligthe a thugann sainmhíniú ar a bhfreagrachtaí údaráis agus airgeadais le gníomhú thar ceann na Gníomhaireachta.
- Tá polasaithe agus nósanna imeachta forbartha aici i dtaca le bainistiú phríomhghnéithe a gníomhaíochtaí. Athbhreithníonn úinéirí na ngnóthaí seo na polasaithe agus nósanna imeachta agus nuashonraítear iad le hailíniú le nósanna imeachta gnó.
- Tá córais airgeadais cuí agus córais bainistíochta buiséid, a chuimsíonn rialúcháin cuntais iníoctha chomh maith le gnáthtuairisciú ar chostais na Gníomhaireachta agus ar mhonatóireacht ar chostais i gcoinne buiséid chuig an Fhoireann Bhainistíochta Fheidhmiúcháin.
- Tá creat tuairiscithe airgeadais bunaithe aici le tacú lena hoibligeáidí tuairiscithe seachtracha agus reachtúla i dtaca lena gnóithe.
- Tá córais bunaithe, nósanna imeachta agus rialúcháin ar fáil lena sócmhainní gnó ag cuimsiú sócmhainní réadmhaoine, trealaimh agus feithicle a bhainistiú agus a chosaint
- Glacann sí céimeanna réasúnta uilig a mheastar bheith cuí le heolas agus coráis lena n-áirítear rúndacht, sláine agus barántúlacht an eolais stóráilte ar choráis na Gníomhaireachta a chosaint agus riosca rochtain gan údarú ar eolas ó fhoinsí inmheánacha agus seachtracha a íoslaghdú. Baintear an chosaint seo amach tríd cur i bhfeidhm caighdeáin, polasaithe agus rialúcháin aitheanta.
- Tá Creat um Chibearchosaint bunaithe aici le sainaithint, tomhas agus bainistiú na rioscaí cibear ar a bhféadfaí an Gníomhaireacht bheith neamhchosanta a éascú. Tá Oiliúint Feasachta Gnáthfhoirne ar chibear-rioscaí curtha in áit do ghach ball foirne na Gníomhaireachta.
- Tá creat leanúnach ghnó aici le hiarracht a dhéanamh cinntiú gur féidir leis an Gníomhaireacht cnámha scéil trioblóidigh a bhainistiú, áitreach teagmhais a sholáthar, príomhchórais a aisghabhadh, agus gnáthoibríochtaí gnó a thosacht arís go pras.

COVID-19

Mar thoradh ar phaindéim Covid-19 bhog an GBCN go dtí timpeallacht ríomhoibriú den chuid is mó le linn 2020 (de réir eagraíochtaí comhchosúla agus treoirínte rialtais), agus cuireadh athruithe gaolmhara ar phróisis agus rialuithe i bhfeidhm agus doiciméadaíodh de réir mar is gá chun an t-athrú seo a éascú. Phlé Aonaid Ghnó agus Feidhmeanna Corparáideacha GBCN aon athruithe ábhartha ar an timpeallacht riosca agus rialaithe agus ar phríomhphróisis ghnó a d'eascair as tionchar Covid-19 mar chuid den phróiseas féinmheasúnaithe riosca agus rialaithe leathbhliantúil. Rinneadh tionchar Covid-19 agus an timpeallacht ríomhoibriú a phlé sa Mheasúnú Riosca Straitéiseach GBCN is déanaí. Rinne an Iniúchadh Inmheánach athbhreithniú ar phríomhphróisis áirithe a d'athraigh agus/nó a tugadh isteach mar thoradh ar an timpeallacht ríomhoibriú. Tá na príomhrialaithe inmheánacha, iad siúd atá ann cheana agus iad siúd a tugadh isteach mar fhreagairt ar phaindéim Covid-19, fós éifeachtach.

Monatóireacht agus Athbhreithniú leanúnach

Tá próisis bunaithe ag an Gníomhaireacht do mhonatóireacht agus athbhreithniú leanúnach ar eifeachtacht na rialúcháin atá curtha i bhfeidhm tríd a múnla trí-líne-chosanta, ina n-áirítear:

- Is leis an chéad líne, a chuimsíonn aonaid ghnó agus feidhmeanna corparáideacha na Gníomhaireachta, úinéireacht na rioscaí a bhaineann le ghníomhaíochtaí gnó agus atá freagrach go príomha as rioscaí a bhainistiú ar bhonn laethúil. Áiríonn seo cur i bhfeidhm agus monatóireacht ar chloí le polasaithe bainistíochta riosca agus fonn riosca na Gníomhaireachta, féinmheasúnaithe riosca agus rialúcháin a dhéanamh, imeachtaí oibríochtúla a bhainistiú agus freagraí cearta a chur i bhfeidhm. Cuireann siad tuairisc ar fáil do Choistí Rialachas Riosca ar a rioscaí agus rialúcháin agus imeachtaí oibríochtúla.
- Cuimsíonn an dara líne feidhmeanna Riosca agus Rialúcháin na Gníomhaireachta agus tá sé neamhspléach ó bhainistíocht agus oibríochtaí na céad líne. Déanann an feidhm Riosca monatóireacht ar cloí le polasaithe bainistíochta riosca ar fud na Gníomhaireachta, ag cur athbhreithniú neamhspléach agus dúshlán don chéad líne ar fáil, agus soláthraíonn sé tuairiscí riosca agus eolas do na coistí rialúcháin riosca éagsúla. Cuireann na hOifigigh Fheidhm Comhlíontachta agus Cosanta Sonraí feacht chun cinn tríd oiliúint, cóid iompair agus polasaithe ábhartha. Soláthraíonn siad tacaíocht, comhairle agus dúshlán neamhspléach don bhainistíocht líne thosaigh agus cuireann siad tuairiscí rialta isteach chuig an CBRF agus an ARC.
- Is Iniúchadh Inmheánach an tríú líne cosanta, a chuireann deimhniú neamhspléach rioscabhunaithe ar fáil do phríomhpháirtithe leasmhara maidir le stóinseacht chóras bainistíochta riosca na Gníomhaireachta, maidir lena rialachas, bainistiú riosca ghinearálta agus maidir le dearadh agus éifeachtacht oibríochtúil timpeallacht an rialaithe inmheánaigh faoi chlár oibre pleanáilte ceadaithe ag an ARC. Cuireann an t-iniúcháir inmheánach tuairisiciú rialta ar fáil don ARC ar stádas na timpeallachta rialaithe inmheánaigh i gcomhtheacs athbreithnithe déanta agus stádas ceisteanna iniúchta inmheánacha roimhe.

Soláthar

Tá Beartas Soláthair bunaithe ag Gníomhaireacht Bainistíochta an Chisteáin Náisiúnta (arna fhoilsiú ar a láithreán gréasáin) agus Nós Imeachta Soláthair. Tagann cleachtais soláthair Gníomhaireacht Bhainistíochta an Chisteáin Náisiúnta leis na doiciméid thuasluaite. Tá plean soláthair chorparáidigh ar bun agus á chur chun feidhme, atá bunaithe ar an teimpléid a foilsíodh i gCreatdoiciméad Beartaisna hOifige um Sholáthar Rialtais. Déantar an plean soláthair chorparáidigh a nuashonrú gach bliain.

Tá Beartas Soláthair agus Nós Imeachta Soláthair na Gníomhaireacht faoi athbhreithniú ar bhonn leanúnach.

Athbhreithniú Bliantiúil ar Éifeachtacht

Deimhnímid go bhfuil nósanna imeachta i bhfeidhm ag Gníomhaireacht Bainistíochta an Chisteáin Náisiúnta chun monatóireacht a dhéanamh ar éifeachtacht a nósanna imeachta bainistíochta riosca agus rialaithe. Tá monatóireacht agus athbhreithniú Gníomhaireacht Bainistíochta an Chisteáin Náisiúnta ar éifeachtacht an chórais rialaithe inmheánaigh bunaithe ar obair na n-iniúcháirí inmheánacha agus seachtracha, obair an Choiste Iniúcháireachta agus Riosca a dhéanann maoirsiú ar a gcuid oibre, agus obair na bainistíochta shinsearaí laistigh de Gníomhaireacht Bainistíochta an Chisteáin Náisiúnta atá freagrach as an gcreat rialaithe airgeadais inmheánaigh a fhorbairt agus a chothabháil.

Deimhnímid go ndearna an Gníomhaireacht athbhreithniú bliantiúil ar éifeachtacht na rialuithe inmheánacha do 2020.

Níor aithníodh aon laigí sa rialú inmheánach i dtaca leis an Ciste Carbóin maidir le 2020 a éilíonn nochtadh sna ráitis airgeadais.

Thar ceann chomhaltaí na Gníomhaireachta



Maeve Carton,
Cathaoirleach

Gníomhaireacht Bainistíochta
an Chisteáin Náisiúnta

5 Bealtaine 2021



Gerardine Jones,
Cathaoirleach
Coiste Iniúchta agus Riosca

Gníomhaireacht Bainistíochta
an Chisteáin Náisiúnta

An tArd-Reachtair Cuntas agus Ciste

Tuarascáil lena cur faoi bhráid Thithe an Oireachtais

An Ciste Carbóin

Tuairim maidir leis na ráitis airgeadais

Tá ráitis airgeadais Chiste Carbóin ullmhaithe ag an Ghníomhaireacht Bainistíochta an Chisteáin Náisiúnta (an Gníomhaireacht) iniúchta agam don bhliain dar chríoch an 31 Nollaig 2020 de réir mar a éilítear faoi fhorálacha alt 5 an Achta um Ciste Carbóin 2007. Cuimsítear leis na ráitis airgeadais, an ráiteas maidir leis an Staid Airgeadais agus nótaí leis na ráitis airgeadais, le achomire ar na polasaithe cuntasáíochta suntasacha.

Is é mo thuairim go dtugann na ráitis airgeadais léargas ceart

- ar iarmhéid an Chiste ag 31 Nollaig 2020, agus
- ar idirbhearta 2020

Bunús leis an tuairim


Rinne mé m'iniúchadh ar na ráitis airgeadais i gcomhréir leis na Caighdeáin Idirnáisiúnta Iniúcháireachta (ISAnna) mar a fhógraíonn an Eagraíocht Idirnáisiúnta Uasfhoras Iniúcháireachta. Tá cur síos ar mo chuid freagrachtaí faoi na caighdeáin seo in aguisín an tuairisc seo. Tá mé neamhspleách ón Ghníomhaireacht agus tá mo chuid freagrachtaí eiticíúla comhlíonta agam i gcomhréir leis na caighdeáin.

Creidim go bhfuil an fhianaise iniúcháireachta atá faighte agam leordhóthanach agus iomchuí le mo thuairim a bhunú uirthi.

Tuairisc ar eolas seachas na ráiteas airgeadais, agus ar nithe eile

Tá eolas eile faoi leith curtha i láthair ag an Ghníomhaireacht leis na ráitis airgeadais i dtaca le oibríocht an Chiste. Cuimsíonn sé tuarascáil bhliantúil an Ghníomhaireacht lena n-áirítear an ráiteas (maidir le rialachas, tuarascáil na stiúrthóirí) agus an ráiteas maidir le rialú inmheánach. Tá cur síos san aguisín a ghabhann leis an tuarascáil seo ar mo chuid freagrachtaí maidir le tuairisc a thabhairt ar an eolas sin, agus ar nithe eile faoi leith ar a dtuairiscím trí eisceacht.

Níl aon ní le tuairisciú agam ina leith sin.



Seamus McCarthy

An tArd-Reachtair Cuntas agus Ciste

11 Bealtaine 2021

Aguisín a ghabhann leis an tuarascáil

Freagrachtaí Ghníomhaireacht Bainistíocht an Chisteáin Náisiúnta

Leagtar amach freagrachtaí na stiúrthóirí sa ráiteas maidir le freagrachtaí:

- ullmhú na ráiteas airgeadais san fhoirm a fhorordaítear faoi alt 5 an Achta um Chiste Carbóin 2007;
- cinntiú go dtugtar léargas ceart ar chúrsaí an Chiste ag deireadh na bliana agus idirbhearta na bliana;
- rialtacht idirbhearta a chinntiú;
- oiriúnacht na húsáide a bhaineann na stiúrthóirí as an mbonn cuntasáochta gnóthais leantaigh a mheas; agus
- cibé rialú inmheánach a mheasann siad is gá le go bhféadfar ráitis airgeadais a ullmhú atá saor ó mhíráiteas ábhartha, cibé acu mar gheall ar chalaois nó ar bhotún.

Freagrachtaí an Ard-Reachtair Cuntas agus Ciste

Ceanglaítear orm faoi alt 5 an Achta um Ciste Carbóin 2007 iniúchadh a dhéanamh ar ráitis airgeadais an chiste agus tuarascáil orthu a thabhairt do Thithe an Oireachtais.

Is é cuspóir m'iniúchta dearbhú réasúnta a fháil an bhfuil na ráitis airgeadais ina n-iomláine saor ó mhíráiteas ábhartha mar gheall ar chalaois nó ar bhotún. Is ionann dearbhú réasúnta agus leibhéal ard dearbhaithe, ach ní ionann é agus ráthaíocht go n-aimseoidh iniúchadh a dhéantar i gcomhréir leis na ISAnna míráiteas ábhartha i gcónaí. Féadfaidh míráitis eascairt as calaois nó botún agus meastar iad a bheith ábhartha más féidir a bheith ag súil go réasúnta go n-imreodh siad tionchar, go haonair nó go comhiomlán, ar chinntí eacnamaíocha a dhéanann úsáideoirí ar bhonn na ráiteas.

Mar chuid d'iniúchadh i gcomhréir leis na ISAnna, úsáidim breithiúnas gairmiúil agus sceipteachas gairmiúil ar feadh an iniúchta. Agus é sin á dhéanamh agam

- Déanaim rioscaí maidir le míráitis ábhartha sna ráitis airgeadais, cibé acu mar gheall ar chalaois nó ar bhotún, a shainaithint agus a mheas; déanaim nósanna imeachta iniúcháireachta a dhearadh agus a chur i bhfeidhm a fhreagraíonn do na rioscaí sin; agus faighim fianaise iniúcháireachta atá leordhóthanach agus iomchuí le mo thuairim a bhunú uirthi. Tá an riosca nach n-aimseofar míráiteas ábhartha mar thoradh ar chalaois níos airde ná an riosca maidir le ceann a eascraíonn as botún, mar go bhféadfadh sé go mbeadh claonpháirteachas, brionnú, easnaimh d'aon ghnó, mífhaisnéis, nó gabháil treise ar an rialú inmheánach i gceist leis.
- Faighim tuiscint ar rialú inmheánach atá ábhartha don iniúchadh chun nósanna imeachta iniúcháireachta a dhearadh atá oiriúnach sna cúinsí, ach nach bhfuil oiriúnach chun tuairim a chur in iúl maidir le héifeachtacht na rialuithe inmheánacha.
- Déanaim measúnú ar oiriúnacht na bpolasaithe cuntasáochta a úsáideadh agus réasúntacht na meastachán cuntasáochta agus an nochtadh gaolmhar.
- Tagaim ar thátail maidir le hoiriúnacht na húsáide a bhaintear as an mbonn cuntasáochta gnóthais leantaigh agus, bunaithe ar an fhianaise iniúcháireachta a fhaightear, maidir le cibé acu an bhfuil éiginnteacht ábhartha ann a bhaineann le himeachtaí nó cúinsí a d'fhéadfadh amhras suntasach a tharraingt ar chumas an Chiste leanúint ar aghaidh mar ghnóthas leantach. Má thagaim ar an tátal go bhfuil éiginnteacht ábhartha ann, éilítear orm aird a tharraingt i mo thuarascáil ar an nochtadh bainteach sna ráitis airgeadais nó, mura leor an nochtadh sin, mo thuairim a mhodhnú. Tá mo thátail bunaithe ar an bhfianaise iniúcháireachta a fuarthas suas go dáta mo thuarascála. D'fhéadfadh imeachtaí nó coinníollacha amach anseo, áfach, bheith ina gcúis leis an Chiste scor de bheith ina ghnóthas leantach.

- Déanaim measúnú ar chur i láthair, struchtúr agus ábhar foriomlán na ráiteas airgeadais, lena n-áirítear an nochtadh, agus cibé acu an léiríonn na ráitis airgeadais na hidirbhearta agus imeachtaí bunúsacha ar bhealach lena mbaintear cur i láthair cóir amach.

Cuirim in iúl dóibh siúd atá freagrach as rialachas, i measc nithe eile, raon feidhme beartaithe agus uainiú an iniúchta agus tátail shuntasacha an iniúchta, lena n-áirítear aon easnaimh a aimsím le linn m'iniúchta i dtaca le rialachas inmheánach.

Eolas nach mbaineann leis na ráitis airgeadais

Ní chumhdaítear le mo thuairim faoi na ráitis airgeadais an t-eolas eile a chuirtear i láthair leis na ráitis sin, agus ní thugaim aon chineál tátail maidir le dearbhú ina leith.

I dtaca le m'iniúchadh ar na ráitis airgeadais, éilítear orm faoi na ISAnna an t-eolas eile a léamh a cuireadh i láthair agus, le linn dom é sin a dhéanamh, breathnú an bhfuil an t-eolas eile neamh-chomhréireach go hábhartha leis na ráitis airgeadais nó leis an eolas a fuarthas le linn an iniúchta, nó an cosúil ar shlí eile go bhfuil míráiteas ábhartha déanta ina leith. Más rud é go mbainim an tátal, bunaithe ar an obair atá déanta agam, go bhfuil míráiteas ábhartha ann i dtaca leis an eolas eile sin, éilítear orm é sin a thuairisciú.

Tuairisciú ar nithe eile

Déantar m'iniúchadh trí thagairt do na léirbhreithnithe speisialta a bhaineann le comhlachtaí Stáit maidir lena mbainistíocht agus lena bhfeidhmiú. Tuairiscím má tá nithe ábhartha ann a bhaineann leis an mbealach ina bhfuil gnó poiblí déanta.

Féachaim le fianaise a fháil ar rialtacht idirbhearta airgeadais le linn an iniúchta. Tuairiscím aon chás ábhartha nár cuireadh airgead poiblí i bhfeidhm chun na críocha dá raibh siad ceaptha nó nár chloí idirbhearta leis na húdaráis a rialaíonn iad.

Tuairiscím freisin trí eisceacht má, i mo thuairim,

- mura bhfaighim an fhaisnéis agus na mínithe fo léir a theastaigh uaim chun m'iniúchadh a dhéanamh, nó
- mura raibh na taifead cuntasaíochta dóthanach le iniúchadh na ráitis airgeadais a cheadú go fonmhar agus i gceart, nó
- mura bhfuil na ráitis airgeadais ag teacht le na taifead cuntasaíochta.

Ráiteas maidir leis an Staid Airgeadais

Amhail an 31 Nollaig 2020

	Nóta	2020 €000	2019 €000
Sócmhainní an Chiste Carbóin	4	92,439	91,976
Earraí Infhaighte	5	266	123
Dliteanais eile	6	(266)	(123)
Glansócmhainní an Chiste		92,439	91,976

Tá na nótaí gaolmhara ina gcuid lárnach de na ráitis airgeadais.

Thar ceann na Gníomhaireachta



Conor O'Kelly,
Príomhfheidhmeannach

Gníomhaireacht Bainistíochta
an Chisteáin Náisiúnta

5 Bealtaine 2021



Maeve Carton,
Cathaoirleach

Gníomhaireacht Bainistíochta
an Chisteáin Náisiúnta

Cuntas an Chiste

Don bhliain dar chríoch an 31 Nollaig 2020

	Nóta	2020 €000	2019 €000
Ioncam	7	463	123
Aisíoc Caipitil		—	—
Glaiseacht i gCiste le linn na bliana		463	123
Glansócmhainní amhail an 1 Eanáir		91,976	91,853
Glansócmhainní amhail an 31 Nollaig		92,439	91,976

Tá na nótaí gaolmhara ina gcuid lárnach de na ráitis airgeadais.

Thar ceann na Gníomhaireachta



Conor O'Kelly,
Príomhfheidhmeannach

Gníomhaireacht Bainistíochta
an Chisteáin Náisiúnta

5 Bealtaine 2021



Maeve Carton,
Cathaoirleach

Gníomhaireacht Bainistíochta
an Chisteáin Náisiúnta

Nótaí leis na Ráitis Airgeadais

1. Cúlra

Bunaíodh an Ciste Carbóin faoin Acht um an gCiste Carbóin 2007 chun Aonaid Kyoto¹⁸ agus ionstraimí agus sócmhainní ar bith eile dá leithéid a cheannach thar ceann an Stáit chun oibleagáidí idirnáisiúnta um athrú aeráide faoi Chreat-Choinbhinsiún na Náisiún Aontaithe 1992 maidir leis an Athrú Aeráide, faoi Phrótacal Kyoto 1997 leis an gCoinbhinsiún sin agus faoi chomhaontaithe sa todhchaí nach mór don Stát a chomhlíonadh. Ainmníodh Gníomhaireacht Bainistíochta an Chisteáin Náisiúnta (an “Ghníomhaireacht”) mar an ngníomhaí ceannaigh thar ceann an Stáit agus riarann agus bainistíonn sí ceannacháin Aonaid Kyoto.

Féadfaidh an Ghníomhaireacht na sásraí seo a leanas a úsáid chun Aonaid Kyoto a cheannach:

- aonaid Kyoto a cheannach díreach ó pháirtithe eile i bPrótacal Kyoto
- infheistíocht dhíreach i dtionscadail an tSásra cur chun Feidhme Chomhpháirtigh agus an tSásra Ghlain Forbartha
- infheistíocht i gcistí bainistithe
- ceannacháin margaidh dhírigh d’Aonaid Kyoto
- nó comhcheangal de chuid dóibh sin nó dóibh uile.

Is féidir Aonaid bharrachais Kyoto arna seilbh ag an Stát ag deireadh na tréimhse gealltanais 2008-2012 a úsáid i dtréimhse gealltanais Phrótacal Kyoto ina dhiaidh sin nó i gconradh ar bith ina dhiaidh sin. Cuireadh na hidirbhearta cuntasíochta deiridh don chéad tréimhse gealltanais de Phrótacal Kyoto (2008-2012) i gcrích in 2015. Tugadh na creidmheasanna nár úsáideadh anonn chun iad a úsáid chun gealltanais 2020 na hÉireann faoi Phacáiste Comhtháite um Fhuinneamh agus Cinneadh Maidir le Comhroinnt Díchill (ESD) an Aontais Eorpaigh atá mar pháirt de phacáiste Athrú Aeráide 2020 an Aontais Eorpaigh a chomhlíonadh. Críochnóidh oibleagáidí an Stáit faoin ESD i 2020, ag an am sin leanfaí Rialachán maidir le Comhroinnt Díchill é. Leagann an Rialachán, ar glacadh leis i mí na Bealtaine 2018, amach spriocanna astaíochtaí gás ceaptha teasa bhliantúil cengailteacha do ghach Ball Stáit don tréimhse 2021-2030 san áireamh.

Rinneadh feidhmeanna an Aire Airgeadais faoin Acht um an gCiste Carbóin 2007 a aistriú chuig an Aire Caiteachais Phoiblí agus Athchóirithe an 29 Iúil 2011. Rinneadh feidhmeanna an Aire Comhshaoil, Pobail agus Rialtais Áitiúil faoi Acht um an gCiste Carbóin 2007 a aistriú chuig an Aire Cumarsáide, Gníomhú Aeráide agus Comhshaoil an 22 Iúil 2016, a rinne an Roinn Comhshaoil, Aeráide agus Cumarsáide de i 2020.

2. Bunús an Ullmhaithe

Rinneadh na ráitis airgeadais a ullmhú de réir alt 5(1) den Acht um an gCiste Carbóin 2007 i bhformáid a d’fhaomh an tAire Comhshaoil, Pobail agus Rialtais Áitiúil le toiliú ón Aire Airgeadais. Aithnítear idirbhearta ag baint úsáide as bunús airgid na cuntasíochta arna choigeartú le haghaidh fabhrúithe do mhéideanna atá dlite agus ó aonáin Rialtais. Is an euro an t-airgeadra tuairiscithe atá curtha in iúl leis an tsiombail €. Sa chás go n-úsáidtear é, cuireann €m milliún in iúl.

¹⁸ Tá Aonad Kyoto sainithe san Acht um an gCiste Carbóin 2007 mar *“aonad atá coibhéiseach le tona méadrach amháin de dhé-ocsaíd charbóin, arna eisiúint de bhun Phrótacal Kyoto agus na gcinntí arna nglacadh de bhun an Choinbhinsiúin agus Phrótacal Kyoto”*. Tugtar creidmheasanna carbóin ar Aonaid Kyoto go ginearálta. Déantar foráil sa reachtaíocht le haghaidh Aonaid Kyoto a dhiúscairt le toiliú an Aire Comhshaoil, Aeráide agus Cumarsáide, agus an Aire Caiteachais Phoiblí agus Athchóirithe amháin agus ar cibé téarmaí a shonróidh siad.

3. Beartais Chuntasaíochta

3.1 Sócmhainní an Chiste Carbóin

Léiríonn sócmhainní an Chiste Carbóin infheistíochtaí iontu seo a leanas:

Sealúchais Dhíreacha

Déantar Aonaid Kyoto a cheannaítear a thaifeadadh nuair a sheachadtar iad ar chostais an cheannacháin. Áirítear ar chostas ceannacháin Cáin Bhreisluacha a íocadh agus atá iníoctha i dtaca le ceannach Aonaid Kyoto.

Aonaid Kyoto neamhdhíreacha

Déantar infheistíochtaí in aonaid neamhdhíreacha i gcistí bainistithe. Déantar na hinfeistíochtaí sna cistí sin a thaifeadadh ag costas na hinfeistíochta. Baineann infheistíochtaí dá leithéid le tionscadail um laghdú carbóin a fhéadfaidh nó nach bhféadfaidh Aonaid Kyoto a tháirgeadh. Ní bheidh fios cá mhéad aonaid ar fad a bheidh ann go dtí dáta amach anseo nuair a bheidh na tionscadail curtha i gcrích.

D'infheistigh an tAire Comhshaoil, Pobail agus Rialtais Áitiúil €20 milliún in 2006 sa Chiste Iltaobhach um Chreidhmeasanna Carbóin arna bhunú ag an mBanc Eorpach Athfhoirgníochta agus Forbartha. Níl an infheistíocht sin ina cuid den Chiste ach tá na haonaid a tháirgtear leis na tionscadail a rinneadh san áireamh anseo istigh faoi mar a mhínítear i Nóta 4(d).

3.2 Cuntas an Chiste

Taifeadtar an t-ioncam carntha a fuarthas nó atá le fáil ón Roinn ábhartha i gCuntas an Chiste. Déantar infheistíochtaí a mhaoiniú ar dtús trí réamhíocaíochtaí inaisíoctha ón gCiste Lárnach faoi alt 3 den Acht um an gCiste Carbóin 2007 ar feitheamh an t-ioncam sin a fháil.

3.3 Airgeadraí Coigríche

Déantar na hidirbhearta ar fad in airgeadraí eachtracha a aistriú go euro ag na rátaí malairte a bhíonn i réim ar dháta na n-idirbheart sin. Déantar gealltanais neamhchistithe le hinfeistíochtaí neamh-euro a aistriú go euro ag baint leas as na rátaí malairte coigríche a bhíonn i réim ag dáta dheireadh na bliana.

3.4 Cánachas

Tá ioncam agus brabúis an Chiste Carbóin díolmhaithe ó cháin chorparáide na hÉireann. Tá ceannach Aonaid Kyoto ag an gCiste Carbóin faoi dhliteanas Cáin Bhreisluacha agus dá bhrí sin breathnaítear ar idirbhearta den sórt sin mar sholáthar seirbhíse arna shainiú in Alt 25(1) den Acht Comhdhlúite Cánach Breisluacha 2010. Áirítear CBL a thabhaítear i gcostas ceannaigh shócmhainní an Chiste Carbóin.

3.5 Géilleadh sócmhainní/Tabhairt anonn go dtí an chéad Tréimhse Gealltanais eile

Déantar sealúchais dhíreacha Aonaid Kyoto a ghéilleadh ag meánchostas na sealúchas díreach ar dháta an ghéillte.

Déantar sealúchais neamhdhíreacha Aonaid Kyoto a ghéilleadh ag meánchostas na hinfeistíochta sa chiste bainistithe ábhartha ar dháta an ghéillte.

Tugtar aonaid dhíreacha agus neamhdhíreacha Kyoto anonn ag costas ón chéad tréimhse gealltanais de Phrótacl Kyoto (2008-2012) le ceangaltas Éireann faoi Phacáiste Comhtháite um Fhuinneamh agus um an Athrú Aeráide 2020 an Aontais Eorpaigh a chomhlíonadh.

4. Sócmhainní an Chiste Carbóin

(a) Achoimre ar na Sócmhainní

	2020 €000	2019 €000
Sealúchais Dhíreacha	90,803	90,340
Sealúchais Neamhdhíreacha	1,636	1,636
	92,439	91,976

(b) Anailís de réir Airgeadra an Cheannaigh

	2020 €000	2019 €000
Euro	90,803	90,340
Dollar SA	1,636	1,636
	92,439	91,976

(c) Sealúchais Neamhdhíreacha

	2020 €000	2019 €000
An Banc Domhanda – Ciste Bithcharbóin	1,636	1,636

Riarann an Ghníomhaíocht íocaíochtaí ar son an Aire Comhshaoil, Aeráide agus Cumarsáide i dtaca le Ciste an Bhainc Domhanda. Baineann infheistíochtaí sa ciste seo le tionscadail a d'fhéadfaí Aonaid Kyoto a shaothrú, ach ní bheidh líon iomlán na n-aonad ar eolas againn go dtí dáta sa todhchaí nuair a chríochnaíonn na tionscadail. Ag 31 Nollaig 2020, ní raibh aon gealltanais gan iarraidh i dtaca le na n-infeistíochtaí seo.

(d) Creidmheasanna arna Seachadadh agus arna Sealbhú:

Líon na gcreidmheasanna carbóin arna seachadadh agus arna sealbhú le Clárlann Aontais an Choimisiúin Eorpaigh amhail an 31 Nollaig:

	2020	2019
Ceannaithe go Díreach	6,773,042	5,655,576
Faighte trí Shealúchais Neamhdhíreacha	711,883	389,855
	7,484,925	6,045,431

Ar an 31 Nollaig 2020, bhain 30,795 aonad (2019: 30,795) den 7,484,925 aonad (2019: 6,045,431) le creidmheasanna a fuarthas trí infheistíochtaí a rinne an Roinn Comhshaoil, Aeráide agus Cumarsáide sular bunaíodh an Ciste Carbóin. Is ionann ceannach i ngabháltais dhíreacha agus ceannacháin díreacha/ géilleadh aonad sa tréimhse. Léiríonn gluaiseacht i ngabháltais indíreacha aonaid a fuarthas/a géilleadh d'infheistíochtaí i gcistí i dtréimhsí roimhe seo.

5. Earraí Infhaighte

	2020 €000	2019 €000
Infhaighte ón Roinn Comhshaoil, Aeráide agus Cumarsáide	266	123

Tá na méideanna atá le híoc leis an gCiste Carbóin dlite faoi Alt 3 (4) den Acht um an gCiste Carbóin 2007 dlite ón Roinn Comhshaoil, Aeráide agus Cumarsáide.

6. Dliteanais Eile

	2020 €000	2019 €000
Méideanna dlite leis an Ciste Lárnach	220	100
Méideanna dlite leis an Gníomhaireacht Bainistíochta an Chisteáin Náisiúnta	46	23
	266	123

Aisíocfar dliteanais eile leis an gCiste Lárnach agus an GBCN nuair a fhaigheann an Ciste Carbóin cistí ón Roinn Comhshaoil, Aeráide agus Cumarsáide.

7. Ioncam

	2020 €000	2019 €000
Ioncam ón Roinn Comhshaoil, Aeráide agus Cumarsáide	463	123

8. Costais Oibriúcháin

Gearrtar costais oibriúcháin an Chiste Carbóin, atá tabhaithe, ar Chuntas Riaracháin na Gníomhaireachta agus íoctar amach as an gCiste Lárnach iad. Is €niallas (2019: €niallas) an muirear i 2020.

9. Dliteanais Theagmhasacha

Ní raibh dliteanais theagmhasacha ar bith sa Chiste Carbóin amhail an 31 Nollaig 2020.

10. Teagmhais tar éis Dheireadh na Tréimhse Tuairiscithe

Ní raibh aon teagmahis ar gá a choigeartú nó a nochtadh sna ráitis airgid tar éis dheireadh na tréimhse tuairiscithe.

11. Páirtithe Gaolmhara

(a) An tAire Caiteachais Phoiblí agus Athchóirithe

Faoi Alt 3 den Acht um an gCiste Carbóin 2007, féadfaidh an tAire Caiteachais Phoiblí agus Athchóirithe airgead a réamhíoc leis an gCiste Carbóin ón gCiste Lárnach, a aisíoctar ón gCiste Carbóin as airgead a chuireann an tAire Comhshaoil, Aeráide agus Cumarsáide ar fáil.

(b) An tAire Comhshaoil, Aeráide agus Cumarsáide

Faoi Alt 2(3) den Acht um an gCiste Carbóin 2007, déanann an tAire Comhshaoil, Aeráide agus Cumarsáide an Ciste Carbóin a bhainistiú agus a rialú.

Faoi Alt 2(4) den Acht um an gCiste Carbóin 2007, tá bainistíocht an Chiste Carbóin tarmligthe don Ghníomhaireacht.

Faoi Alt 8 den Acht um an gCiste Carbóin 2007, féadfaidh an tAire Comhshaoil, Aeráide agus Cumarsáide, i ndiaidh comhairliúcháin leis an Aire Caiteachais Phoiblí agus Athchóirithe, treoracha nó treoirlínte a thabhairt don Ghníomhaireacht maidir le feidhmíocht na bhfeidhmeanna a tarmligeadh chuici nó a tugadh di faoin Acht.

(c) Gníomhaireacht Bainistíochta an Chisteáin náisiúnta

Faoi Alt 2(4) den Acht um an gCiste Carbóin 2007, tá bainistíocht an Chiste Carbóin tarmligthe don Ghníomhaireacht.

Faoi Alt 8 den Acht um an gCiste Carbóin 2007, féadfaidh an tAire Comhshaoil, Aeráide agus Cumarsáide, i ndiaidh comhairliúcháin leis an Aire Caiteachais Phoiblí agus Athchóirithe, treoracha nó treoirlínte a thabhairt don Ghníomhaireacht maidir le feidhmíocht na bhfeidhmeanna a tarmligeadh chuici nó a tugadh di faoin Acht.

12. Faomhadh na ráiteas Airgeadais

D'fhaomh an Ghníomhaireacht na ráitis airgeadais an 5 Bealtaine 2021.





Gníomhaireacht Bainistíochta an Chisteáin Náisiúnta
National Treasury Management Agency

Duga an Stáitchiste,
Cé an Phoirt Thuaidh
Baile Átha Cliath 1, D01 A9T8

T +353 1 238 4000

E info@ntma.ie

ntma.ie